

地合掌恭敬頂禮佛足而白佛言若有處處講宣此金光明經是會大眾皆悉往彼爲作聽衆是說法師種種利益安樂無障身心泰然我等皆當盡心供養今諸聽衆安隱快樂是所國土無諸怨敵恐怖之難無飢饉畏無非人畏人民興盛是說法處一切諸天人非

人等及諸衆生不得從上而過汙漫說法之處何以故說法之處即是其塔善男子善女人應當以諸香華繒綵幡蓋供養是說法處我等爲作救護利益消除一切障礙隨其所須如意供給悉令具足

佛言善男子如是汝等應當精勤修行如此經典則法久住於世

合部金光明經卷第三

化

合部金光明經卷第四

化

隋大興善寺沙門寶貴合

讚歎品第七

爾時佛告地神堅牢善女天過去有王名金龍尊常以讚歎去來現在諸佛我今尊重敬禮讚歎去來現在十方諸佛

臆音憶
鼻提上初眼切
普洽丁侯夾洗浣下
伴詰難上起反
鎧仗上若涌音
反詰難下去聲
鎧仗改反
勇啜哩可反

是下王
反握反
女履反
又跋蒲未
瑜音施
元音士
柯歌言反
智邏郎
苟垢莎蘇和
房麥帝
枳居只
支反
又可
反
風反
山風郎
合苟垢莎蘇和
房麥帝
枳居只
支反
又可
反
塢及力
芝類必溜力
塢反
垂丁果
鞞反步
迷栗
柯歌言反
智邏郎
苟垢莎蘇和
房麥帝
枳居只
支反
又可
反
蒲未
下良一
丁達反
幕之九
醯乎芳梯
他步
拔毗八
莫補反
下音
詒乃
禮涅女
拔毗亦
結音
曹

諸佛清淨微妙寂滅色中上色金光照曜於諸聲中佛聲最上猶如大梵深遠雷音其髮紺黑光螺炎起蜂翠孔雀色不得喻其齒鮮白猶如珂雪顯發金顏分齊分明其目脩廣清淨無垢如青蓮華映水開敷舌相廣長形色紅暉光明照耀如華初生眉間毫相白如珂月右旋潤澤如淨琉璃眉細脩揚形如月初其色黑曜過於蜂王鼻高圓直如鑄金錠微妙柔軟當于面門如來勝相次第最上得味真正無與等者一一毛孔一毛旋生軟細紺青猶孔雀項即於生時身放大光普照十方無量國土減盡三界一切諸苦令諸衆生悉受快樂地獄畜生及以餓鬼諸人天等安隱無患悉滅一切無量惡趣身色微妙如鎔金聚面貌清淨如月盛滿佛身明曜如日初出進正威儀猶如師子脩臂下垂立過于膝猶如風動娑羅樹枝圓光一尋能照無量

猶如聚集百千日月佛身淨妙無諸垢穢其明普照一切佛刹佛光巍巍明炎火盛悉能隱蔽無量日月佛日燈炬照無量界皆今衆生尋光見佛本所修集百千行業聚集功德莊嚴佛身臂膚纖圓如象王鼻手足淨軟敬愛無厭去來諸佛數如微塵現在諸佛亦復如是如是如來我今悉禮身口清淨意亦如是以好華香供養奉獻百千功德讚詠歌歎設以百舌於千劫中嘆佛功德不能得盡如來所有現世功德種種深固微妙第一設復千舌欲讚一佛向不能盡功德少分況欲嘆美諸佛功德大地及天以爲大海乃至有頂滿其中水尚可以毛知其滴數無有能知佛一功德我今已禮讚歎諸佛身口意業悉皆清淨一切所修無量善業與諸衆生證無上道如是人王讚歎佛已復作如是無量誓願若我來世無量無邊阿僧祇劫在在生處

常於夢中見妙金闕得聞懺悔深奧之義
今所讚歎面貌清淨願我來世亦得如是
諸佛功德不可思議於百千劫甚難得值
願於當來無量之世夜則夢見晝如實說
我當具足修行六度濟拔衆生越於苦海
然後我身成無上道令我世界無與等者
奉貢金闕讚佛因緣以此果報當來之世
值釋迦佛得受記別并令二子金龍金光
常生我家同共受記若有衆生無救護者
衆苦逼切無所依止我於當來爲是等輩
作大救護及依止處能除衆苦悉令滅盡
施與衆生諸善安樂我未來世行菩提道
不計劫數如盡本際以此金光懺悔因緣
使我惡海及以業海煩惱大海悉竭無餘
我功德海願悉成就智慧大海清淨具足
無量功德助菩提道猶如大海珍寶具足
以此金光懺悔力故菩提功德光明無礙
慧光無垢照徹清淨我當來世身光普照

功德威神光明炎盛於三界中最勝殊特
諸功德力無所減少當度衆生越於苦海
并復安置功德大海來世多劫行菩提道
如昔諸佛行菩提道三世諸佛淨妙國土
諸佛至尊無量功德今我來世得此殊異
功德淨土如佛世尊信相當知爾時國王
功德淨土如佛世尊信相當知爾時國王
金龍尊者則汝身是爾時二子金龍金光
今汝二子銀相等是

金光明經空品第八

爾時佛爲地神堅牢善女天菩薩復說偈言
我從昔來爲諸菩薩無量餘經已廣說空
是故此中略而解說衆生根鈍甚於智慧
不能廣知無量空義故此尊經略而說之
異妙方便種種因緣爲鈍根故起大悲心
今我演說此妙經典如我所解知衆生意
是身虛偽猶如空聚六入村落結賊所止
一切自住各不相知眼根受色耳分別聲
鼻艱諸香舌嗜於味所有身根貪受諸觸

意根分別 一切諸法 六情諸根各各自緣
諸塵境界 不行他緣 心如幻化 馳騁六情
而常妄想 分別諸法 猶如世人 馳走空聚
六賊所害 愚不知避 心常依止 六根境界
各各自知 所伺之處 隨行色聲 香味觸法
心處六情 如鳥投網 其心在在 常處諸根
隨逐諸塵 無有暫捨 身空虛僞 不可長養
無有諍訟 亦無正主 從諸因緣和合而有
無有堅實 妄想故起 業力機關 假僞空聚
地水火風 合集成立 隨時增減 共相殘害
猶如四蛇 同處一篋 四大蚯蛇 其性各異
二上二下 諸方亦二 如是蛇大 悉滅無餘

如是諸大 一一不實 本自不生 性無和合
以是因緣 我說諸大 從本不實 和合而有
無明體性 本自不有 妄想因緣 和合而生
無所有故 假名無明 是故我說 名曰無明
行識名色 六入觸受 愛取有生 老死愁惱
衆苦行業 不可思議 生死無際 輪轉不息
本無有生 亦無合和 不善思惟 心行所造
我斷一切 諸見纏等 以智慧力 裂煩惱網
五陰舍宅 觀悉空寂 證無上道 微妙功德
開甘露門 示甘露器 入甘露城 趟甘露室
令諸衆生 食甘露味 吹大法螺 擊大法鼓
然大法燈 兩勝法兩 我今摧伏 一切怨結
豎立第一 微妙法幢 度諸衆生 於生死海
永斷三惡 無量苦惱 煩惱熾然 燒諸衆生
無有救護 無所依止 我以甘露 清涼美味
充足是輩 今離熾熱 於無量劫 遵修諸行
供養恭敬 諸佛世尊 堅固修習 菩提之道
求於如來 真實法身 捨諸所重 肢節手足

頭目體腦 所愛妻子 錢財珍寶 真珠瓔珞
金銀琉璃 種種異物 歡喜布施 心無悔恪
觀法性空 是無上智

三千大千世界中
三千大地碎微塵

所有樹木折爲籌
是等微塵遍虛空

以此智慧與一人

如是人等如微塵
如來智慧不可數
不可數劫算不盡

金光明經依空滿願品第九

我問照世界 兩足最勝尊 菩薩正行法
唯願垂聽許 佛言善女天 沒若有疑者
隨汝意所問 吾當分別說 云何諸菩薩
行菩提正行 離生死涅槃 利益自他故
佛言善女天 依於法界行菩提法修平等行
善女天云何依於法界行菩提法修平等行

善女天五陰能現法界法界即是五陰是亦
不可說非五陰亦不可說何以故若五陰是
法界則是斷見若離五陰即是常見離於二
邊不著二邊不可見過所見無名無相是則
名爲說於法界善女天云何五陰能現法界
善女天如是五陰不從因緣生何以故若從
因緣生已生故得生未生故得生若已生得
生何因緣生若已生不從因緣生若未生時
不可得生何以故未生諸法則是不有無名
無相非筭數譬喻之所能知非因緣所生善
女天譬如鼓聲依木依皮依擗依人工等故得
出聲是鼓聲空過去亦空未來亦空現在亦
空何以故是鼓音聲不從木生不從皮生不
從擗生不從人工生是聲不於三世生是則
不生若不生不可得滅若不可滅無所從來
若無所從來亦無處去若無處去不常不斷
若不常不斷則不一不異何以故若不一不異
法界若爾者凡夫人則見真諦得於無上安

樂涅槃是義不然者故不一若言其異者一切諸佛菩薩行相即是執著未得解脫煩惱繫縛則不能得阿耨多羅三藐三菩提何以故一切聖人於行非行法中同智慧行是故不異是故五陰非有非無不從因緣生故非不有五陰不過聖境界故非言語之所能及無名無相無因無緣無有境界無有譬喻始終寂靜本來自空是故五陰能現法界善女天若善男子善女人欲求阿耨多羅三藐三菩提真異俗異如是難可思量於聖凡境界不異思惟不捨於俗不捨於真依於法界行菩提行爾時世尊作是語已時善女天踊躍歡喜即從坐起偏袒右肩右膝着地合掌恭敬一心頂禮而白佛言世尊如上所說菩提正行我今當學是時婆娑世界主大梵天王於大衆中問如意寶光耀善女天此菩提行難可修行汝心云何於此菩提行而得自在時善女天答梵王言大梵王若佛所說是真

甚深一切凡夫不得其味是聖境界微妙難知若復我心依於此法得安樂住是真實語者願今一切五獨惡世無量無邊衆生皆得金色三十二相非男非女皆於地上坐寶蓮華亦在水中受無量快樂復於空中兩天妙華天諸音樂不敢自鳴一切供養皆悉具足時善女天說是語已一切五獨惡世所有衆生皆悉金色具足三十二相非男非女坐寶蓮華受無量快樂猶如他化自在天宮無諸惡道寶樹行列七寶蓮華遍滿世界兩衆七寶上妙天華作天伎樂如意寶光耀善女天即轉女形作梵天身時大梵天王問如意寶光耀菩薩言汝昔以何行菩提行菩薩答言梵王若水中月能行菩提行者我亦已行菩提之行若夢見行菩提行我亦行菩提行若炎露行菩提行我亦行菩提行若聲響行菩提行我亦行菩提行時大梵王聞此說已語菩薩言汝依何等而說此語答言梵王無有一法而有

實相因果相成故梵王又白菩薩言若如此者諸凡夫人皆悉應得阿耨多羅三藐三菩提菩薩答言以何思惟而作是說梵王愚癡人異智慧人異菩提異非菩提異解脫異非解脫異梵王如是諸法平等無異於此法界如如不異無有中間而可執持無增無減梵王譬如幻師善巧幻術及幻弟子於四衢道取諸土沙草木葉等聚在一處作種種幻術使人觀見象衆馬衆車衆軍衆七寶之聚種種倉庫若有衆生愚癡無智不能思惟不知幻本若見若聞作是思惟如我所見象馬衆等謂是真實如見如聞隨能隨力執著所見自言是實於他非真後不重思惟若有衆生非凡夫人已見第一義諦出世聖慧知一切法如如不可言說是諸聖人若見若聞行法非行法隨能隨力不執著所見自言是實於他非真後不重思惟無實行法無實非行法如我所見如我所聞惟妄思惟行非行相惑人

智慧是處說名行非行法惟有名字無有實體如我所見如我所聞隨能隨力不執所見所見象馬等衆非是真實唯有幻事惑人眼目是處說名象馬等衆及諸庫倉唯有名字無有實體如我所見如我所聞隨能隨力不執所見而言是實於他非真後不重思惟是

諸智人隨說出語皆欲令他知於義故如見如聞思惟不亦如是梵王若有衆生愚癡凡夫未得出世聖智慧故未知一切諸法如如不可言說是諸凡愚若見若聞行非行法作是思惟實有如是諸法如我所見如我所聞是諸凡夫如見如聞隨能隨力執著所見自

名時大梵王問如意寶光耀菩薩言有幾衆生能解能通如是微妙甚深正法菩薩答言梵王凡是若干衆幻化人心數若干衆生能解能通是甚深法梵王又言此幻化人即是不有如是心數從何而得菩薩答言梵王如是法界不有不無如是衆生能解能通是甚深義是時梵王白佛言出尊是如意寶光耀菩薩不可思議通達如是甚深之義佛言如是如是梵王如汝所言何以故是如意寶光耀菩薩已教梵王學觀無生忍法於是大梵天王與諸梵衆從坐而起偏袒右肩右膝著地合掌恭敬頂禮如意寶光耀菩薩足說如是言希有希有我等今日得見大師得聞正法爾時世尊於一切法通達無礙告梵王言是如意寶光耀菩薩於未來世當得作佛號曰德寶炎吉上藏如來應供正遍知說是光明微妙經典三千億菩薩得不退阿耨多羅三藐三菩提八千億天子得無垢淨於法

成就清淨法眼無量無數國王臣民得法眼淨五十億比丘行菩提行欲退菩提心聞如意寶光耀菩薩說法得堅固不可思議滿足之願更復續發菩提之心各自脫衣供養菩薩重發無上勝進心發無上勝進心已願令我等功德善根悉皆不退迴向阿耨多羅三藐三菩提如是比丘依此功德修行過九十大劫當得成就是諸比丘出於生死佛為授記過三十阿僧祇劫當得作佛號難勝光王其國名曰無垢光同時皆得阿耨多羅三藐三菩提皆同一號名曰願莊嚴間廁王佛爾時佛告梵王是金光明經正聞正聽有大神力梵王百千大劫行六波羅蜜無有方便若有善男子善女人已得聽聞是金光明經書寫半月半月一過轉讀是善功德聚於前功德百千分不及一分等數譬喻所不能及梵王是故我今當令修學受持為他廣說何以故如是甚深微妙經典我行菩薩道時如

於戰陣不惜身命得通此經受持讀誦爲他
解說梵王譬如轉輪聖王若王在出七寶不
滅王若過出一切七寶自然而盡梵王是金
光明微妙經典若現在出大正法寶皆悉不
滅是故當依金光明經聽聞讀誦受持爲他
解說今他書寫於功德中行精進波羅蜜不

惜壽命不憚疲勞我諸弟子悉皆應當如是精
勤修學是時大梵天王與無量梵衆帝釋四王
及夜叉衆俱從坐起偏袒右肩右膝著地合
掌恭敬而白佛言我等一切爲守護流通是
金光明微妙經典說法法師若有諸難我當
除却今具諸善色味備足辯才無礙身心開
泰時會之衆皆今快樂是處國土若飢餓怨
賊非人之畏我等攘却使其人民豐盛歡逸
皆是我等四王恩力若有供養是經卷者我
亦當爲作大擁護如佛不異

合部金光明經卷第四

化四

珂雪上皆下反螺也何鑄音金鉦下亭反臂脯下直也
記列反前井鈍徒困反妙息蔓反臘鷁下許舌
嚙貪也下音規馳騁不利也下田伺相寺反蛇蛇上愚官反
元蜥也躁動到上則桴浮鼓音憚徒旦反攘文一也攘却

合部金光明經卷第五

化五

四天王品第十

隋大興善寺沙門寶貴合入

爾時毗沙門天王提頭賴吒天王毗留勒又
天王毗留博叉天王俱從座起偏袒右肩右
膝著地胡跪合掌白佛言出尊是金光明微
妙經典衆經之王諸佛世尊之所護念莊嚴
菩薩深妙功德常爲諸天之所恭敬能今天
王心生歡喜亦爲護世之所讚歎此經能照
諸天宮殿是經能與衆生使樂是經能令地
獄餓鬼畜生諸河燋乾枯竭是經能除一切
怖畏是經能却他方怨賊是經能除穀貴飢